



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. V. Alia Vvendrochij argumenta solvuntur

[urn:nbn:de:hbz:466:1-77355](#)

in ele^ctione veritatem, cūm non eligat, sed re-
jicit id quod ipfi videtur conformius aut vici-
nus veritati, ut suprā art. 2. §. 2. ponderatum est.
S. V.

Alia wendrochij argumenta solvuntur.

258. **P**atrum testimoniis dogma illud, quo afferit nullam opinionem probabilem falsam exculare à peccato, et si ejus falsitas invincibiliter ignoreatur, probare conatus est. Theologici argumentis illud inititur suadere fect. 2. s. 3. ubi primò sic arguit. Sine gratia nullum opus bonum fieri potest: Sed nunquam gratia est sine cognitione veritatis, & nunquam veritas cum opinione probabili falsa: Igitur ex opinione probabili falsa nullum opus bonum fieri potest.
269. Deinde sic ratio[n]icatur: Peccatum, juxta D. Augustinum & S. Thomam, est factum, dictum, concupitum contra legem aeternam: Sed opus factum ex opinione probabili falsa, ab aeterna lege disidet: Igitur tale opus peccatum est. Unde Augustinus lerm. 44. de diversis cap. 6. ait quod nisi homo secundum justitiam regulam direxerit actus suos, in errorem iniquitatis impingit; & D. Thomas 2. 2. qu. 19. art. 4. docet bonitatem voluntatis pendere ex lege aeterna. Ex quo sequitur voluntatem, cum aeterna lege pugnantem, bonam non esse, ac proinde pravam esse.

270. Tertiò arguit ex verbis illis Apo[stoli] ad Roman. 14. Quod non est ex fide, peccatum est, quod de vera & Christiana fide D. Augustinus & S. Bernardus intelligunt; aut si de conscientia accipiantur, ut vult S. Thomas, certè de conscientia intelligentium est quam dirigit fides, ut idem significat: unde cūm opus procedens ex opinione probabili falsa, non sit ex fide, nec ab ea dirigatur, peccatum est.

271. Denique obicit: Si opinio probabilis falsa, ratione ignorantiae invincibilis, à peccato excusat, sequeretur quod mere opinantium melior esset conditio, quam corum qui veritatem cognoscunt; illi enim excusarentur à peccato, non verò isti: Sed hoc videtur absurdum: Ergo & illud.

272. Hæc sunt præcipua wendrochij fundamenta, que si quid probant, ostendunt non solum non licere sequi opinionem probabilem, sed nec probabilioriem, in d[omi]n[u]m nec probabilissimam: cūm contingere possit, ut suprā diebamus, quod opinio probabilissima sit falsa, & legi aeternæ contraria: unde hæc argumenta contra ipsum militant, & ab eo solvenda sunt: cum ille fect. 4. §. 1. exprefse doceat, è duabus opinionibus contrariis licere amplecti probabiliorēm: videat ergo quomodo tela projecta in ipsum projiciente[m] redeant: Hoc premisko:

273. Ad primum argumentum respondeo negando Majorem, & Minorem: utraque enim propositio falsa est, & à communi Theologorum sensu aliena. In primis falsum est, sine gratia nullum opus bonum fieri posse: licet enim sine illa non possit fieri ullum opus bonum bonitate supernaturali, & meritoria vita aeterna, potest tamen sine illa elici opus bonum bonitate mortali naturali, seu opus honestum & rationi consonum, v.g. colere parentes, subvenire egensis, diligere amicos &c. ut exprefse docet S. Thomas qu. 2. 4. de verit. art. 14. ubi querit, Num liberum arbitrium possit in bonum sine gratia? Et respondet, Quod nulla res agit ultra suam speciem: sed secundum exigentiam sua speciei unaquaque res agere potest, cum nulla res propria actione destinatur. Est autem duplex

A bonum: quoddam quod est naturæ humanae proportionatum; quoddam verò quod excedit humana natura facultatem: putà iste actus, qui est dare elemosynam, est bonum proportionatum viribus huminis, secundum quod ex quadam naturali dilectione vel benignitate homo ad hoc moveretur, excedit autem humana natura facultatem, secundum quod homo ad hoc inducitur ex charitate, que mentem hominis Deo unit. Ad hoc ergo bonum, quod est supra naturalam humanam, constat liberum arbitrium non posse sine gratia: quia per huiusmodi bonum homo vitam aeternam meretur; constat autem quod sine gratia homo mereri non potest. Illud autem bonum, quod est natura humanae proportionatum, potest homo per liberum arbitrium explere. De quo plura contra Disp. 1. Bajum & Jansenii dicemus in tractatu de gratia. art. 3.

Similiter falsum est quod addit Wendrochius,

nempe gratiam nunquam esse sine cognitione veritatis, & ardore charitatis: cūm enim ignorantia inculpata & invincibilis juris saltē positivi excusat à peccato, ut ipse fatetur fect. 3. s. 7. stare potest cum gratia habituali & sanctificante, qua solum per peccatum expellitur. Similiter etiam dari potest gratia actualis sine charitatis ardore, ut patet in attritione concepta ex metu gehennæ; illa enim procedit à gratia auxiliante, & sanctificationem præveniente, sive ut loquitur Tridentinum, à Spiritu Sancto nondum inhabitante animam, sed eam mouente ac disponente ad sanctificationem in sacramento obtinendam: unde perperam Adversarius falsum illud dogma Tridentino affingit. Malè etiam usurpat illud quod Ecclesia de Spiritu Sancto canit: Sine tuo nomine nihil est in homine, nihil est innoxium: sensus enim est hominem sine auxilio Spiritus Sancti, vel generali, vel speciali, vel ordinis naturalis, vel supernaturalis, nullum opus bonum & honestum posse efficere, nec ullam veritatem etiam naturalē agnoscere; non verò per hoc significatur, hominem indigere gratiā sanctificante, vel speciali ac supernaturali Spiritu Sancti auxilio, ad opera bona & honesta ordinis naturalis elicienda, & veritates naturales cognoscendas. Unde D. Thomas 1. 2. qu. 109. art. 1. ad 1. exponens hæc verba Apo[stoli] 1. ad Corinth. 12. Nemo potest dicere Dominus Iesus, nisi in Spiritu Sancto, & ista Ambrosij, Omne verum à quoconque dicitur, à Spiritu Sancto est, sic ait: Dicendum quod omne verum à quoconque dicitur, est à Spiritu Sancto, sicut ab infundente naturale lumen, & movente ad intelligendum & loquendum veritatem; non autem sicut ab inhabitante per gratiam gratum facientem, vel sicut largiente aliquod habituale donum nature superadditum: Sed hoc solum est in quibusdam veris cognoscendis & loquendis, & maximè in illis que pertinent ad fidem, de quibus Apo[stolus] loquebatur. Et super caput 15. Ioan. lect. 1. exponens verba illa Christi, sine me nihil potestis facere, subdit: Opera nostra aut sunt virtute naturæ, aut ex gratia divina: si virtute naturæ, cūm omnes motus naturæ sint ab ipso Verbo Dei, nulla natura ad aliquid faciendum moveri potest sine ipso: si vero virtute gratia, cūm ipso sit auctor gratia, manifestum est quod nullum opus meritorium sine ipso fieri potest.

Ad secundum respondeo, quod quando à D. Augustino peccatum definitur factum, dictum, vel concupitum contra legem aeternam, hoc intelligendum est de lege aeterna, ut intimata & participata à dictamine rationis, quod est proxima regula actuum humanorum, & quedam aeternæ sententia cuiuslibet sui d[omi]ni R. ij

legis impressio, participatio, & denuntiatio, ut docet S. Thomas 1. 2. qu. 19. art. 4. Unde quando lex aeterna per cognitionem intellectus, seu dictamen rationis homini non intimatur, sed invincibiliter & inculpabiliter ignoratur, seu quando nullum est dictamen rationis actum prohibens, quamvis legi aeterna contrarius sit, non est peccatum formaliter, sed dyntaxat materialiter; ut patet in exemplo supra adducto de Patriarcha Jacob, qui non peccavit, cum primò accedit ad Liam, putans esse Rachelem: quia licet ille actus materialiter sumptus, esset disformis legi aeterna, prohibent accedere ad non suam, non tamen formaliter, defectu cognitionis & dictaminis rationis, ei intimantis & significantis illam non esse suam uxorem. Similiter si quis invincibiliter existimans non esse illicitum mentiri ad tribuendam eleemosynam, mentitur, vel furetur, non peccat; quia nullum habet dictamen rationis hujusmodi actus prohibens, ut dicunt Salmantenses in tract. de peccatis disp. 7. dubio 1. num. 5. & alij Theologi communiter docent, afferentes de ratione omnis peccati esse, ut sit contra dictamen rationis, quæ est proxima regula actuum humanorum, & idcirco esse peccatum, quia est contra tale dictamen, in quo tanquam in naturali iudicatorio jus naturale continetur, ut loquitur S. Thomas 1. 2. qu. 71. art. 6. ad 4. Unde quando loco in objectione citato docet bonitatem voluntatis pendere à lege aeterna, hoc intelligendum est de lege aeterna, ut per divinam revelationem, aut dictamen naturale rationis nobis intimata, sicut patet ex solut. ad 3. ubi sic ait: *Licit lex aeterna sit nobis ignota secundum quod est in mente divina: innotescit tamen nobis, vel per rationem naturalem, quæ ab ea derivatur ut propria ejus imago, vel per aliquam revelationem superadditam.* Similiter cum Augustinus ait: *Nisi homo secundum justitiam regulam direxerit actus suos, in errore iniquitatis impingit,* hoc debet intelligi de justitiae regula, ut per dictamen naturale rationis, aut per lumen supernaturale divinae revelationis, nobis manifestata & intimata: nam si talis intimatio & manifestatio defit, ut contingit in his qui ignorantia invincibili juris naturalis aut positivi laborant, nulla constituitur iustitia vel iniquitas; quia tunc nulla est legis naturalis aut positiva obligatio; ut enim lex aliqua obliget, prius intimari seu denuntiari debet, ut ex D. Thoma supra ostendimus.

276. Ad tertium respondeo, quod quando Apostolus ait, *Omnis quod non est ex fide, peccatum est, ly non ex fide debet sumi non solum negativè, sed etiam contrariè, ita ut sit sensus, id quod non est ex fide, sed ex infidelitate;* peccatum est, ut exponit S. Thomas ibidem lect. 3. in fine, ubi hæc scribit: *Cum dicitur opus omne, quod non est ex fide, peccatum est, sic est intelligendum: Omne quod est contra fidem, vel contra conscientiam, peccatum est, eti ex genere suo bonum videatur; pura si paganus ad honorem suorum Deorum virginitatem servet, vel eleemosynam det, hoc ipso peccat.* Unde ibidem subditur: *Quia omnis infideliter vivens, vel agens, vehementer peccat, ut notat idem S. Doctor 2. 2. qu. 10. art. 4. ad 1. ubi codem modo intelligit & interpretatur hæc verba Apostoli.*

277. Ad quartum nego sequelam, nempe quod si opinio probabilis falsa, ratione ignorantie invincibilis à peccato excusat, mere opinantium, immo & ignorantium melior est conditio, quam eorum qui veritatem cognoscunt: nam si hic discursus vale-

A ret, pariter ego dicerem meliorem esse hominis infirmi quam sani conditionem; quia hic teneatur lege jejunij, à qua ille ratione infirmitatis liberatur. Item melior esset hominis dormientis quam vigilantis conditio, aut ebrj quam temprantis; quia hic in multis peccare potest, quæ licet ille admittat, non peccat.

Ex his satis patet quam levia & frivola sint fundamenta Wendrochij, & quam parvo negotio veritatis calor frigentum verborum pruinis liqueficerit, ut loquitur Claudio Mamercus lib. 1. de statu animæ cap. 11.

Alia hujus Authoris argumenta solum ostendunt quodcumque probabile non excusat à peccato, nec ad honestandas actiones humanas sufficere: unde non infirmant, sed potius confirmant nostram sententiam, quæ licet à prudentia regno, & conscientia tribunali, omnem probabilitatem non abigit, afferit tamen in rebus dubiis, & opinionum probabilium confitetur, eligi debere probabiliorem sententiam, quæ stat pro precepto, & relinquendam esse minus probabilem, faventem libertati. Unde veritas Thomistica inter novorum Casuifarum laxitates, & Janassenianorum excessus media stat, & hoc Phœbi præceptum (dum apud Poëtam, Phaëtonem filium quadrigam suam temerè consensurum commonuit) meritò servandum agnoscit:

Altius egressus, coelestia signa creabis.

Inferius terras, MEDIO TUTISSIMVS IBIS.

Certè si hoc medium servaretur, & opinionum probabilitas cum moderamine illo & temperamento ab omnibus reciperetur, morum uniformitas & puritas inter fideles conservaretur faciliter; Divina & Ecclesiastica mandata non perclitarentur, brevique tempore (inquit Gravina in suo Cherubim Paradisi) reformaretur mundus, qui ex licentia opinandi in præcepis ruit, latissimam viam ingrediendo, quæ ducit ad perditionem. Unde Julius Clemens Scotus de potestate Pontificis in Societate Iesu, par. 7. folio 365. & Martinez de Prado Tomo 1. Theologia moralis cap. 15. qu. ultima, pagina 634. referunt quod R. P. Mutius Vitellecius, Generalis Societatis Iesu, anno 1617. die 4. Januarij litteris datis ad Superiores ejusdem Societatis, inter septem quæ impense illis commendavit, hoc reponit. *Quarto nonnullorum ex Societate sententia (in rebus preserim ad mores spectantibus) plus nimis libere, non modo periculum est ne ipsam evertant, sed ne etiam Ecclesia Dei universa insignia afferant detrimenta. Omni itaque studio perficiant, ut qui docent scribuntive, minime hac regula & norma in delectu sententiarum utantur. TVERI QVIS POTEST. PROBABLIS EST. AVTHOR NON CARET. Verum ad eas sententias accedant, QVA TVTIORES, quæ graviorum, majorisq; nominis Doctorum suffragis sunt frequentatæ, quæ bonis moribus conducunt magis, quæ denique pietatem atere, & prodeesse queant, non vaflare, non perdere. Quoniam vero Constitutiones, Decreta, Regulas probi callent de S. Thoma sequendo, de non provehendis ad cathedras, aut etiam removendis, qui ejusmodi doctrinam parvi facere, aut cordi non habere præ se ferunt: presertim si novitatum amantes reprehendantur, qui nulla ratione sunt ferendi; reliquum præterea mibi nihil est, nisi ut hæc ipsa feruentur, ut maximis res momenti, quam ardenter possum urgere. Utinam hujus sapientissimi Generalis consilia & Decreta ad amulsum servarentur: brevi reformaretur mundus, qui ex licentia opinandi in præcepis ruit, latissimam viam ingrediendo, quæ ducit ad perditionem.*